

ANGLIÆ IIII TABULA.

84

Opida.

Flumina.

Wiltonia.

Situs.

Soli qualitas.

Opida.

Flumina.

Glocestria.

Urbes & Opida.

Flumina.

Monumethensis.

Comitatus.

Situs.

Soli fertilitas.

Opida.

Glamorgania.

Situs.

Soli qualitas.

Urbes & Opida.

Flumina.

Caermardeshire

Situs

Soli qualitas.

Opida.

Durnovaria, quod *Durnium* & *Dunium* Ptolemæo pro exemplarium varietate dici videtur, nunc *Dorchester*, primarium totius conventus censetur opidum, nec magnum tamen nec speciosum, mœnibus jam olim Danorum furore nudatum. Sunt & alia, *Birt-port*, *Lime*, *Ucymouth*, *Poole*, *Warham*, *Shiburne*, *Sturminster* & *Wimborne*, atque hic Comitatus Paræcias 248 numerat. Fluvii sunt, *Lim*, *Trentus*, *Carr*, *Luell*, *Wey*, *Sturus*, *Alburnus*, *Varia* Latinis, *Frau* vel *Frome* Saxonibus. *Wiltonia* a primario olim opido *Wilton* denominata, vulgo *Wilton*, tota est mediterranea. Terminos ab Ortu *Oxoniam* & *Southantoniam*, ab Occasu *Sommersetum*, a Septemtrione *Glocestria* habet. Regio pascuis & frugibus ubiq; læta. *Wilton* opidū olim fuit totius agri caput, cui & appellationem fecit. Sunt & *Malmesbury*, *Cracklade*, *Calne*, *Chippenham*, *Trubridge*, *Sarisbury* & *Marleborne*. Atque hic Comitatus Paræcias 304 complectitur. Fluvii sunt *Isis*, *Avona*, *Uilleybourne*, *Adderbourne*, *Ellan* & *Kennet*. *Glocestria*, vulgo *Glocestershire*, ab Occasu *Valliam*, a Septemtrione *Vigorniam*, ab Ortu *Oxoniam*, a Meridie *Wiltoniam* spectat. Regio amœna & fertilis, ab Ortu æstivo in Occasum brumalem exporrecta. Habet & Ferri fodinas. Primaria hujus Comitatus Vrbis *Glocester*, quam *Antoninus* *Clevum* & *Glovernum* dixit, vulgus Latinorum *Gloverniam*, alii *Claudiocestriam*. Antiqua sane urbs, ac a Romanis condita, *Sabrinæ* fluvio exporrecta imminet, qua flumine non alluitur, murus firmissimus opponitur. Sunt etiam alia opida *Tewkesbury*, *Deorhurst*, *Campden*, *Uincelscombe*, & *Circester*, ac Paræciæ 280 hoc Comitatu comprehenduntur. Fluvii irrigant *Sabrina*, *Aven* & *Isis* vulgo *Ouse*, qui postea recepto *Tamo*, *Tamisis* composito vocabulo dicitur. *Monumethensis* Comitatus, Anglice *Monmouthshire*, includitur a Septemtrione *Munov* fluvio, qui *Herefordiensis*, ab Ortu *Vaga*, qui *Glocestrensis*, ab Occasu *Remneio*, qui *Glamorgenses* sejungit, & ab Austro *Sabriniano* estuario, in quod illa flumina una cum *Isca* mediam regionem interfecante, evolvuntur. Rebus ad victum necessariis non solum sibi sufficit, sed etiam vicinis affatim suppeditat. Primarium regionis opidum *Monmouth*, ad Septemtriones qua fluminibus non defenditur, muro & fossa præcinctum erat, in medio proxime forum castellum prætendit. Item *Chepstov*, *Abergevenny*, *Antonino* *Gobannium* *Newport*, & urbs *Isa* *Antonino*, Legio 11 dicta, nunc *Caerleon*, & *Caer Leon ar Vsk* *Britannis*. *Glamorgania* Anglis *Glamorganshire*, dicitur. Regio tota est maritima, minus latitudine, quam recta regione porrecta, *Sabriniano* freto a Meridie pulsatur. Qua terram vero spectat ab Ortu *Monumethenses*, a Borea *Brechnochiensis*, ab Occasu *Maridunenses* adjacent. Pars Septemtrionalis montibus est aspera qui in Austrum descendentes paullatim miteridunenses adjacent. Pars Septemtrionalis montibus est aspera qui in Austrum descendentes paullatim miteridunenses adjacent. In hoc agro est tenuis urbecula *Landaff*. Fanum ad *Taff*, cui Paræciæ subsunt 165: *Caerdiff*, *Cowbridge*, *Neath*, *Swveinsey* & *Loghor* *Antonio* *Leucarum*. Fluvii interluunt *Ramnius*, *Taffus*, *Nidus*, & *Loghor*. Ager *Maridunensis* Anglis *Caermardenshire* continetur ab Ortu *Glamorgania* & *Brechinia*, ab Occasu *Penbrochia*, a Septemtrione *Ceretica*, intercurrente *Tivio* flumine, & a Meridie Oceano. Hic frugibus satis fertilis, gregibus abundans, fossiliumque carbonum alicubi ferax. Vrbis primaria totius conventus *Caermaerden*, *Ptolemæo* *Maridunum*, *Antonino* *Muridunum* pratis & silvis amœna, antiquitate suspicienda, coctilibus muris ut inquit *Giraldus*, partim adhuc extantibus, egregie